



Broj: 02-34-1347/23

Mostar, 04.07.2023. godine

Na osnovu člana 9. Zakona o ministarstvima i drugim tijelima kantonalne uprave („Službene novine HNK”, broj: 4/98, 1/02, 4/07 i 2/13) i člana 48. Zakona o osnovnom odgoju i obrazovanju („Službene novine HNK”, broj: 5/00, 4/04, 5/04, 1/14 i 7/16), Ministarstvo obrazovanja, nauke, kulture i sporta, **donosi**

ODLUKU
o Kalendaru rada osnovnih škola za školsku
2023/2024. godinu

I

Ovom Odlukom propisuje se početak i završetak nastavne godine, trajanje polugodišta, trajanje učeničkih odmora i broj radnih dana u osnovnim školama za školsku 2023/2024. godinu.

II

Nastavna godina u prvom polugodištu, za sve učenike, počinje u ponedjeljak 4. septembra 2023. godine i traje do petka 29. decembra 2023. godine za učenike koji se obrazuju po NPP na bosanskom jeziku, a za učenike koji se obrazuju po NPP na hrvatskom jeziku prvo polugodište traje do srijede 20. decembra 2023. godine.

Nastavna godina u drugom polugodištu počinje u ponedjeljak 22. januara 2024. godine za učenike koji se obrazuju po NPP na bosanskom jeziku, a za učenike koji se obrazuju po NPP na hrvatskom jeziku nastava u drugom polugodištu počinje u ponedjeljak 08. januara 2024. godine, a završava se realizacijom NPP i Godišnjeg programa rada škole.

Završetak nastave u drugom polugodištu:

- I razred - nakon 170 nastavnih dana i 180 radnih dana
- II-VIII razred - nakon 175 nastavnih dana i 185 radnih dana
- IX razred - nakon 165 nastavnih dana i 175 radnih dana

III

Osnovna škola obavezna je tokom nastavne godine ostvariti broj radnih dana potreban za provedbu broja nastavnih sati po nastavnim predmetima utvrđenim propisanim nastavnim planom i programom, a nastavna godina ne može se završiti ranije od propisanih nastavnih i radnih sedmica u tački II. ove Odluke.

IV

Zimski odmor učenika koji se obrazuju po NPP na bosanskom jeziku počinje 3. januara 2024. godine i završava 19. januara 2024. godine, a za učenike koji se obrazuju po NPP na hrvatskom jeziku počinje 21. decembra 2023. godine i završava 05. januara 2024. godine.

Proletni odmor učenika koji se obrazuju po NPP na bosanskom jeziku počinje 18. marta 2024. godine i završava 22. marta 2024. godine, a za učenike koji se obrazuju po NPP na hrvatskom jeziku počinje 28. marta 2024. godine i završava 5. aprila 2024. godine.

Ljetni odmor za sve učenike traje od završetka nastave u školskoj 2023/24. godini do početka nastave u školskoj 2024/25. godini.

Dužina trajanja odmora usklađuje se s obavezama učenika (popravni ispiti i drugo).

V

Godišnjim planom i programom rada škole utvrđuje se plan i raspored nastavnih dana potrebnih za ostvarivanje nastavnog plana i programa, te broj, plan i raspored ostalih radnih dana tokom školske godine potrebnih za druge odgojno-obrazovne programe škole, za školske priredbe, takmičenja, dan škole, te za izlete, ekskurzije i slično.

Planirani školski izleti, ekskurzije, odlasci u kina, pozorišta, galerije i druge ustanove, terenska nastava, škola u prirodi i drugi organizovani oblici podučavanja i učenja van škole (učionice) su oblici vanučioničke nastave s ciljem ostvarivanja planiranih programskih sadržaja, pa se stoga vrijeme provedeno ostvarivanjem istih računa kao nastavno i radno.

Obilježavanje 5. oktobra Svjetskog dana učitelja planira se školskim kalendarom i godišnjim programom rada škola kao radni nenastavni dan i obilježava se organizovanjem seminara, uručivanjem priznanja zaslužnim prosvjetnim radnicima i penzionerima i prigodnim programima koji za cilj imaju promovisanje uloge i značaja učitelja u odgojno-obrazovnom procesu.

VI

U posebnim okolnostima koje nije bilo moguće predvidjeti i planirati godišnjim planom i programom rada škole, škola može odstupiti od rokova utvrđenih ovom Odlukom o čemu obavještava Ministarstvo.

Propisane nastavne sedmice, dani i sati ne mogu se nadoknađivati dodatnim opterećenjem učenika nastavnim satima u toku dana ili sedmice preko dozvoljenog obima utvrđenog članom 46. Zakona o osnovnom odgoju i obrazovanju HNK („Službene novine HNK” broj: 5/00, 4/04, 5/04, 1/14 i 7/16).

VII

Ova Odluka stupa na snagu danom donošenja, a primjenjivat će se od 1. septembra 2023. godine.

Dostaviti:

1. Osnovnim školama HNK,
2. a/a.

MINISTAR

dr. sc. Rašid Hadžović